

22,6213
1030,973
13


山 川
水 利

山 川
水 利
縣 志

五 六



Kodak Color Control Patches



正定縣志卷五

山川

縣之川以滋漳為大滋河源遠流長合長合縣縣流不甚為患惟滹沱泛濫漫溢代代為為民民災災頻頻仍仍屢興大役隨時補葺計難萬全以遷徙無常分合無定也韓河周河柏棠河旺泉河水利之資也考其原委並著於篇

金粟岡 在城內府學建其上

白馬岡 在城西北三十三里白店村與靈壽縣分界
東南行至邵同村岡盡為白馬口滹沱河西來山白



店村岡下入境沿岡東南流出白馬口水勢愈大矣
下即漕馬口隄

雕邱 在城西北十五里梁太保夢龍別業在其下趙
南星有雕邱莊記梁清遠有雕邱雜錄

滹沱河 在縣城南曰虜池亦曰惡池別作亞駝又作
呼沱惡沱虜勺山海經秦戲山滹水出焉秦頭之山
其水南注於虜池禮記晉人將有事於河必先有事
惡池秦穆公伐楚詛楚文告盟於不顯亞駝大神韓
非初見篇中山呼沱以北不戰而畢為燕法言吾子
篇浮江海而知江河之惡沱博南言山海經虜勺一

作多即虜沱今由白店村接靈壽縣入境由中奉村
下接藁城縣出境並將歷代潰決詳細開列以便觀
覽

漢明帝永平十年作常山滹沱河蒲吾渠通漕船漢書

章帝建初三年罷常山滹沱石臼河漕漢書

自顯宗治河欲令通漕連年死者無算帝又以謁者
鄧訓監其事訓考量隳括知其難成具以上言詔罷
其役更以驢輦歲省費億萬計全活數千人

晉元帝太興四年秋八月常山崩水出滹沱溢大木拔

晉五行志

石勒下令曰水出巨材所在山積將天啟營繕宮室也其擬洛陽之太極起建德殿遣從事中郎任汪帥工匠數千採工供之

唐高宗永徽五年夏六月河北大水滹沱溢損五千餘

家唐五行志

永純二年秋八月恒州滹沱河及山水暴溢害稼唐五行志

志

宏道元年秋八月滹沱大溢舊志

文宗開成元年秋七月滹沱河溢害稼唐五行志

梁末帝貞明四年滹沱大水壞關城五代史

劉后傳初有僧誠惠自言能降龍鎮州王鎔不為禮

僧怒曰吾有毒龍五百遣一龍揭片瓦常山之人皆

魚鼈也會明年大水共神其僧

宋太宗太平興國八年秋七月滹沱胡盧河溢舊志

仁宗天聖七年河決曹馬口衝南關壞城西南隅以大

廬舍蕩然居民死者甚眾文廟舊碑

神宗熙寧七年詔引滹沱水淤田

從程昉之言堤壞水溢大為民害

元豐七年六月河決曹馬口下關門掘北濠泄之將

軍灤城幸以完水北流三十餘里始復於河天章閣

侍制劉瑾奏聞發人夫塞之文廟舊碑

金世宗大定八年滹沱犯正定

命河北西路及河間太原民夫二萬八千繕完隄岸

十年春二月設滹沱巡河官二員金河渠志

十七年秋七月滹沱河溢決白馬岡金河渠志

詔遣使固塞發正定五百里內民夫以次年興役復命同知正定尹胡沙虎監護之

元世祖至元三十年開冶河

與冶河本不相通後二水合其勢遂猛屢壞大堤本路達魯花赤哈歡引開冶河自成一流滹沱水退十

之三十四

武宗至大元年秋七月滹沱水漂沒南關百餘家

冶河口塞復入滹沱自後歲有潰決之患

仁宗延祐七年秋九月滹沱河決為災元五行志

冬十一月修滹沱岸隄防元史

泰定帝泰定元年滹沱溢漂廬舍元五行志

二年春正月詔修滹沱隄堰舊志

四年秋八月滹沱水溢元史

詔發丁夫復浚冶河治之

文宗至順三年夏四月滹沱河決淹沒屯田四十三頃

元記事

順帝至正二年冬十二月封滹沱河神為昭祐靈源候

三年夏五月滹沱溢元史

廉訪使移檄河神責以大義仍躬率修防水即退

明太祖洪武十四年浚滹沱河太祖紀

成祖永樂四年滹沱決白馬口舊志

十年築正定隄成祖記

仁宗洪熙元年夏六月正定滹沱大溢沒三州五縣田

按是年驟雨渾白漳滏並時潰決北畿州縣半為水

鄉

宣宗宣德六年山水暴漲冲壞隄岸發軍民濬之並修

正定護城隄明史

英宗正統四年秋七月滹沱河溢明五行志

七年冬十月築滹沱隄英宗紀

憲宗成化十四年詔修曹馬口舊志

正定當河之衝西北不半舍曰曹馬口舊有隄三十

餘里以護城垣宋元豐間天章閣待制劉瑾率工修

築城賴以安迄成化間比歲大雨隄復潰水勢逼城

西南隅壞民廬舍關城幾成巨浸知府田濟具文請

修詔可之于是偕正定神武二衛各率其屬發民夫

距舊河數里鑿新河延袤十餘里深逾丈廣三丈築堤二千餘丈以禦舊河之水分其流入新河自是水有所歸新河內又築一堤長四千餘丈環拱關南居民恃以無恐

成化十八年滹沱溢

明五行志

孝宗宏治二年滹沱河決發軍民築塞

明典

修築正定白馬口及近城隄三千九百餘丈

明史

五年又築護城隄二道

明史

六年知府張淑開新河於郡南分殺水勢費以萬計不再逾夏水復故道功竟不成

石珪滹沱記

世宗嘉靖十七年秋七月滹沱水溢

舊志

穆宗隆慶六年秋霖雨滹沱溢

明志

正定守爲文祀河神衆見水中若青羊一目獨角昂首而逝水隨減

神宗萬歷三十六年滹沱水溢

明一統志

知府汪國楠親身督築用巨槌貫鐵鑊實以磚石與椿稍相聯次堤遂堅固又建真武廟祠於上以鐵羊鎮之至今無患

萬歷四十八年秋改築滹沱河橋

初滹沱河每於九月設橋以濟濱河州縣各解協濟

銀付正定縣主之知縣周應中因民苦其役將每春所卸橋木給散民間待秋月納還抵用民頗便之後司出納者弊未盡革至是知縣李挺申請院府分派十八州縣自行輪流修築柴木之類悉任便收買每一年止用六州縣以均勞逸立碑永守民獲甦息

熹宗天啟二年夏滹沱河溢

明書

天啟六年閏六月滹沱大水曹馬口隄決增築月堤

舊志

知縣李挺立雨中率民夫晝夜增築遂無患

莊烈帝崇正十二年改建滹沱橋

滹沱河柴樑歲費殷繁苦累民間知府范志完請改建板橋巡按御史李模井陘道李九華陞任道蔡懋德及各州縣官俱輪助工費毫不索民至歲修亦儲之官府立碑永守民得休息同知凌必正調度知縣王士英督造

本朝

順治二年夏六月滹沱水溢逼城

府志

六年夏六月都御史郝晉築滹沱堤岸

府志

十一年大水滹沱河溢浸城

十二年知府李祖庚修斜角及漕馬口隄

康熙七年七月大雨七晝夜滹沱諸水皆溢府志

十三年夏五月滹沱水清

三十二年夏六月滹沱水溢害稼

三十九年夏五月滹沱水溢傷稼

四十年巡撫李光地修治滹沱河隄岸一統志

雍正七年大雨滹沱水溢

乾隆二年滹沱北徙衝南關邑事略

十一年府南建望河樓以防滹沱邑事略

十四年春 欽定滹沱河壩土人建 聖謨底績坊

記之

滹沱本無隄以其流漸逼城高斌總督時奏建其壩

以禦水非如永定兩岸長隄束之行也十一年閱視

時有兜灣吸溜處略汪指示建壩挑水今日淤沙可

耕而河流遂向南徙矣御製詩

三十三年滹沱河水漲發漫及城根法錄新隄修陪

舊隄殘缺築護城隄挑水魚鱗等壩

三十七年大水滹沱滋河並溢知縣李紹元請撥生

息銀二千二百餘兩修險工一百二十丈

四十一年大水滹沱滋河並溢

五十九年大水河漲愈南徙小孫村淪沒死者甚衆

嘉慶六年六月大雨四十餘日水大溢

道光三年六月大雨河溢

十四年六月大雨河溢

咸豐三年六月大雨河漫溢潰舊隄浸城垣門皆倒灌
東南西三門運土填門以禦之二十四日大雨水勢
浩瀚由東南水門灌入城內水皆滿勢甚危急幸水
門城垣蟄陷水始斷流

同治十年六月大雨連旬滹沱大溢由孫村決隄而入
另爲一河與舊河並行城南十餘里皆水淹沒禾稼
浸灌城垣東南西三門皆運土填之七月大雨河復

溢水勢較前少減八月連雨八日河復溢水勢較前
兩次更大沿河村莊咸罹其災

十一年六月大雨二日滹沱漲溢漂蕩廬舍淹沒禾
稼西關南關及沿河村莊被災更甚城門運土填塞
文報不通新河由孫村決入至店上復入於河曹馬
口大隄大半塌卸城外大隄亦潰恐將來憂未艾也
同治十二年三月知府劉秉琳知縣慶之金修迴水斜
角二隄

五月知縣慶之金修漕馬口隄又接築里寨村新隄
滋河 在縣北三十里山海經高是之山滋水出焉而

南流注於滹沱一作渣亦曰磁集韻渣水出常山郡唐景福二年李克用伐常山王鎔敗之於滋水卽此漢書地理志南行唐縣牛飲山白陸谷滋水所出東至新市入滹沱水元和志滋水北去正定縣二十里舊志滋水源出山西靈邱縣枚回嶺經靈壽縣至行唐縣西南二十七里張茂村伏流不見至府東北三十里南孟社復出按輿圖今滋河發源五臺縣東流十餘里卽入邊牆至府界漢志出行唐是也又古與滹沱合流今折而東北與涿沙二水合不入滹沱矣今滋水至西宿村入縣境過三十里入藁城縣界水

皆伏流無灌溉之利亦無漫溢之虞

西韓河 在縣西二十五里源出西漢村東南由東曲陽至雕橋與大鳴泉小鳴泉周泉匯爲一流出雕橋又分爲二一從雕橋村東王古寺至野頭一從雕橋村南戰村大孫村北至野頭復合爲一下游卽柏棠河

周河 本名周泉在縣西二十里周家莊西北由南曲陽西辛莊安仁谷至雕橋與韓河相會相傳元至正間有農夫見豕掘地成河後灌稻甚廣萬歷間漸淤知縣周應中疏通之民懷其惠因名周河

柏棠河 乾隆十年挑一名清水河周泉韓泉大小鳴泉之下流由斜角隄外李家莊西入滹沱計長二十五里自引入護城河故道僅存不通水矣同治十二年知縣慶之金又挑舊河以資宣洩

護城河 柏棠河之下流也舊有河漕水苦不給乾隆十年引西北韓河諸水由柏棠閘至西門入城濠又繞南門至城東南隅均注閘爲東大道河城西北有泉五十餘穴隨於北門以西至西北譙樓挑挖寬深引水由北門繞東門至東南隅均注閘於柏棠河滙今西北之泉淤塞斷流濠亦淤平僅存河形而已同

治十二年總兵譚勝達挑挖城河由西關鴨子嘴地方挑至城東均注閘又從東關海子岸挑至均注閘凡二千二百丈

林濟河 在大小林濟 乾隆十年挑河二千八百一十四丈與東大道河分洩護城之水入滹今淤東大道河 由縣赴藁城之大道也護城河由均注閘分流東入藁城縣只照河南流入於滹沱

旺泉河 通志泉在縣東北隅大可數畝一支南流入城河今廢一支東南流經西洋朱福屯等村萬歷初知縣周應中開濬大爲民利乾隆十年自泉源挑由

藁城固營村會東大道河並注於只照河入滹今舊泉已塞沿河小泉甚多皆伏而復見者也

清水河 在縣西北發源紙房頭村東北東過陳村村

北又東過北高基村北又東入滹沱長十五里餘

冶河故道 今冶河自井陘縣東東冶村經平山縣西

冶村至合河口入滹沱河其上游為綿蔓河至橫口

村合甘洵河為冶河雍正四年引由獲鹿達縣境至

欒城入洩河故道阻塞而枯渠斷港尚存河形由太

堡莊入境上接獲鹿縣由北宋村出境下接欒城縣

安仁洼 為周河下流舊名安仁谷地濇下民人鑿池

種藕

王芬溝 在縣東南二十里下流接藁城即古之蒲吾

渠也

閻家溝 在縣東北隅由上寨西洋等村入旺泉河

涼樓坡 在縣東北即旺泉發源處

泉

韓泉 即西韓河之上源通志西韓河韓信伐趙住此

故名

周泉 即周河之上源

大鳴泉 在縣西北三十里即韓河上源有泉數十穴

大者如車輪溉田百餘頃少東有小鳴泉又有雕橋泉在縣西二十里源出大鳴泉凡四十五穴明宣德初知縣李守義引水灌田後淤塞萬歷四年知縣周應中復濬諸泉合流下爲柏棠河

旺泉 卽旺泉河之上源萬歷初知縣周應中開河後久淤塞知縣鄭三俊訪求疏濬周圍植柳以爲識天啟六年泉又漸涇知縣李挺大加疏濬東南流入只照河

白雀泉 在斜角頭村之南灌田數十頃古傳泉在白雀寺中由縣城南關石橋下經木廠村入滹沱今泉

源涇涸枯渠猶存積潦藉以宣洩

恒陽第一泉 舊名甘泉在城西門外迤南護城河中甘冽異他水

城西北泉 凡五十餘穴繞北城東城出東南隅均注開久淤塞今西北角樓之泉卽昔伏今見者也

西北角樓泉 在角樓下有數穴溉稻田三十餘畝東南流經崇因寺後過大道又至隆興寺後由東水門出城入護城河

柳泉 在城內東北隅大可半畝旁植柳數株有稻田灌溉之利南流入隆興寺後與西北角樓泉匯俗名

三角坑

蓮花池 在城內西南隅四圍積水葭葦叢生泉出其
中淵淳不竭

東南角樓泉 在角樓迤西有稻田灌溉之利
井

龍井 在龍王堂前旱禱有應

八角井 在隆興寺後相傳龍潛其中禱雨有應

趙母井 在縣西北隅

義井 在府治東南市上

鷄鳴井 在北門月城內相傳井旁有石如小鷄聲今

不復聞

甘露井 在三里屯梁慈有碑記

堤壩閘

護城堤 長四千四百二十丈在護城河外

斜角隄 自斜角頭村北起小楊家莊西止長一千一

百三十五丈乾隆四年間衝陷隄尾一百六十六丈

迴水堤 自小楊家莊起至太平莊止長一千三百八

十六丈

畿輔安瀾志正定府護城隄在城西南明萬歷三十
六年知府江國楠增築又明實錄宣宗宣德六年七

月巡按辛聰言正定舊有護城堤宜令修築此卽斜角廻水二堤非護城河之護城堤也

新堤 在斜角堤村北長五百七十六丈南與斜角堤接北白柏棠聞止乾隆三十三年奏明添築

漕馬口堤 在縣西北白邵同村白馬岡下起至里宅止長五百四十二丈

里宅新堤 在縣西北同治十二年五月知縣慶之金從民所請上接漕馬口堤包里宅村之西之南以資捍衛

城南趙將軍廟前乾隆四年建魚鱗草壩一座

乾隆四年加築草壩二十四年又分別草土動帑興修

乾隆七年楊家莊前建柴土大壩五座

乾隆八年於前五壩迤東建挑水草壩二座是年永定章程奏准撥清河道庫營田工本銀一萬五千兩分發郡屬行鹽商人按月一分行息得息銀一千八百兩以資歲修之用自後歷年備料修補搶護水勢稍定

乾隆十一年

聖駕西巡蒙

幸望河亭親加指授總督那蘇圖率通判張人鑑遵
旨於舊壩前添建挑河大壩水遂南徙郡人建
聖謨底績坊於河干誌不忘也

乾隆三十三年奏略斜角隄南有護隄埽壩長九十
六丈四尺現在河流汕刷工程塌卸該處爲迎溜險
工自應及時圻修並於出險處加長五丈四尺以資
擋護又廻水隄迤南河身漸以北遷自斜角隄草壩
以東埽灣益險應往東從新接築挑水壩五座河神
祠前建築魚鱗壩三十丈

滋河土埕 起縣北西宿村至縣東北白家莊爲滋河

北岸長二千九百七十八丈嘉慶五年修

柏棠閘 在城西柏棠村引柏棠河入護城河處乾隆
十年築三十三年修後漸傾圯同治十二年知縣慶
之金重修

均注閘 在城東南隅護城河上下流卽東大道河雍
正年間修乾隆四十五年知縣齊佳士重修有碑立
閘上

響水閘 在城東南隅萬歷四年知縣周應中建閘蓄
水石砌閘址水流有聲故名雍正間水利案內修築
均注閘卽其地

橋梁

滹沱河橋 秋搭春拆官爲經理名廣濟橋

東城門石橋 在東門外由城濠洩城內之水南注均注開咸豐九年重修

南城門石橋 跨護城河之上爲南北通衢同治十年十一年被水冲壞隨時補修

舊石橋 在南關之中白雀泉下流之橋也今河淤水斷

西城門石橋 護城河由此入城濠東注均注開

北城門石橋 久不通水今已圯

崇因寺後石橋 西北角樓之泉由此注隆興寺後出

水門

中渡橋 在正定東南五里跨滹沱河上五代晉開運三年契丹趨恒州晉杜威禦之至中渡契丹已據橋張彥澤帥騎爭之契丹焚橋而退胡三省曰此爲中渡明上下流各有渡也宋熙寧九年程昉於此創繫浮橋元豐五年以轉運使周革言易以板橋至四五月防河易以舟楫一統志云今廣濟橋猶沿其制

常山橋 宋至道二年契丹入寇焚鎮州中渡常山二橋鈐轄李繼宣伐木治常山橋契丹聞之大懼走

雕橋 在正定西十五里韓河上有穴數十泉湧不息居民利之東南流入城濠郡景雕橋湧泉即此

蒲吾橋 在正定縣蒲吾渠上渠廢橋無考

滹沱河各村渡口草橋及柏棠旺泉諸河石橋甚多不備書

東源渡 在縣南今古城渡河處也

五代史李存進傳晉討張文禮於鎮州以存進為招討使軍於東垣渡土惡壘不能就

塌子口渡 在縣東南

方輿紀要塌子口在藁城西三十五里滹沱渡口

落凌口渡陳村口渡高基口渡柳林鋪口渡俱在縣西南

成德軍修滹沱河碑

石 一

虜池源發於鴈門繁峙東南道于中山又東過靈壽而常衛從之霖潦時至長川巨浸之水雜而會者白波沸騰聲赫數里鼓城下隘而真定控河之衝數罹漂溢之患天聖七年堤潰于漕馬口傍激南關壞城之西南隅以入樓槽泛蕩間殍爲河人民之死多於魚鱉於是北道搔然大發兵夫以趣其役而堤塞之功九十七萬城堞之工百六十四萬物爲之敗萬於工役之費而莫之計也天聖距今久矣間有語其害者悲傷蹙額猶之未忘然堤圯埽毀高以牛羊之踐

平下以沙淤之澱沒又廢河防之卒徒之於祁因循
 大壞非一日之積元豐甲子六月復決於漕馬口下
 關門遂決北濠泄之將軍之灤而城幸以完水北
 行三十里湯湯浩浩乃復于河歲之九月廬陵劉公
 以天章閣待制自南都帥于茲車未及停輪即往相
 共事圖之以進章十上辭益懇而 部使者互以為
 言

朝廷閱焉乙丑二月制可之 公命以諸邑版籍

卒八丁均一夫先嘗浚治城隍乃罷之而并于茲役
 尺符所頌俯期而集負畚築者驩呼輿譟謌以相杵

市之富室借與餉之役者悅而無所匿其遲且未嘗
 鞭扑而能致其功也自漕馬口下中渡橫袤四十里作
 之新堤 而峙又踞牙分湍怒之勢堤道所承實

洄流之末地之聚沙者疊埽若木以禦之木岸八百
 餘步而埽三倍於木岸之長民之苦於墊溺而知其
 利也用不懈于勤閤三旬之功餘四日之力復請治
 南關 公樂從之使築埽道上平於城以通南北

往來之衢凡村落之蹊絕於堤者築之如關城之制
 且聚土其傍補墮於歲月功已序矣奏都水領之而
 請復河防之卒營之故堤植榆柳於堤足而揭盜決

之條以申告賞其所久爲之慮曲爲之防後人無以加焉是則公之政概見於斯矣大而用之崇太平之基永萬年之厯信乎其無難矣清源石巨嘗從按役于行於是錄之以記

修河記

金幼孜

正定爲郡距京師六百餘里蔚然西南一巨鎮郡城之南有河曰滹沱考之地志其源發於鴈門繁峙東南過於靈壽而正定城適當河之衝河去西北不半舍遠曰曹馬口舊有隄三十餘里以護城垣宋天聖間隄潰已而天章閣待制劉瑾率工修築城垣以安

迄今數百年矣成化間比歲大水堤復潰水勢逼城西南隅壞民廬舍而關城之中幾爲巨浸郡守田公慨然歎曰茲少緩弗治吾甯忍坐視斯民魚鱉乎乃具疏上聞制可之於是偕神武正定二衛指揮各率其屬大發兵夫距舊河數里外鑿新河延袤十餘里深踰丈廣三百餘尺築隄二千餘丈以禦舊河之水分其流入新河自是水勢有所歸而不溢新河之北又築一隄隆長四千餘丈環拱於關南隱然爲一城之屏障自是居民有所恃而不恐堤之內有地三千餘頃業植蒿木俾扛橋之需有所給立廟於堤北俾

河神之祀有所依凡工之用一萬有奇木之用倍之
荆之用又倍之石上之用又十倍之支費雖廣而弗
病于民力役雖衆而弗懟於衆閱五月而厥功告成
公使徵予記嗟夫水之爲民患自古有之歷觀唐宋
以來賢智之士以一方之寄爲已任者往往爲民捍
患興利如白居易馬亮之守杭蘇軾守徐惠利所及
民到於今稱之此予所以歎公善政之難也公名濟
字汝霖鳳翔麟遊人由景泰甲戌進士拜監察御史
擊奸祛蠹名重士林出守茲土仁恕明決百度修舉
八年之間政化大行而又爲此役圖久遠無窮之利

使民得遂安居之樂其爲惠利烏可以數計哉

查漕馬口隄僅長五百四十餘丈止三里許碑云
三十餘里似多一十字

劉瑾修漕馬口隄在熙甯年間有舊碑可証碑云
天聖年間亦誤

闢冶河議

周應中

延祐七年十一月正定路言城南滹沱河北决堤浸
近城每歲修築聞其源本微與冶河不相通後二水
合其勢過猛屢壞大堤爲患本路達魯花赤哈散於
至元三十年言惟引闢冶河自作一流滹沱河水十

退三四至大三年水漂南關百餘家淤塞冶河口自後歲有潰決之患大德十年皇慶元年節次修堤用捲埽葦草二百餘萬官給夫糧備用值百餘萬錠及延祐元年三月至五月修堤二百餘步其明堂判官勉村三處就用橋木爲椿徵夫五百餘人執役月餘不能畢七月八月又衝塌木方等村堤一千二百四十丈復差夫築月堤延祐二年總管馬思忽嘗闕冶河已復湮塞今歲霖雨水溢北岸數處浸沒田禾其河原經康家莊南流不記歲月徙於村北數年修築皆於北取土故南高北低水愈就下侵嚙西至木方

村東至護城堤約二千餘步比來春必須修治用椿稍築土堤亦非久遠之計若濬木方村南舊枯河引水南流牖閉北岸河口於南岸取土築堤下至河頭村與本河合如此去城稍遠庶可無患都水監差官相示截河築堤千餘步新開故岸止濶六十步恐不能制御千步之勢若於北岸闕破低薄處比原料增夫力葦草捲埽補築便計葦草丁夫均料各州縣上中戶價錢及食米於官錢內支給役夫五千爲工十六萬七百一十九補築河北堤岸十處長一千九百一十步高濶不一計三百四十萬七千七百五十尺

用推埽梯二十五每梯用大橛三小橛二草二十五萬八百束葦二十八萬六百四十束柴七千二百束至治元年三月正定路言滹沱河每遇水泛衝堤岸浸沒民田如將木方村南舊湮河道疏闢導水東南行埽閉北岸却於河南取土修築至河頭村合入本河可以安民都水監與正定路官相視議夫治水者行其所無事蓋以順其性也埽閉滹沱河口截河築堤一千餘步開掘故河老岸濶六十步長三十餘里改水東南行流霖雨之時水拍兩岸截河堤堰阻逆水性新開故河止六十步焉能吞受千步之勢上嚙

下滯必致潰決徒糜官錢空勞民力若順其自然將河北岸舊堤比之原料增添工物如法捲埽堅固修築誠爲官民便益省準補築滹沱河北岸縷水堤十一處泰定四年八月正定河水爲害都水監廉訪司正定縣官耆老會議其源自五臺諸山來至平山縣王母村山口與平定州娘子廟石泉冶河合夏秋霖雨水漲瀾漫城郭每年勞民築堤莫能除害宜自王子村辛安村鑿河長四里餘接魯家灣舊澗復開一百餘步合入冶河以殺其勢又木方村南岸故道疏里北岸下椿捲埽築堤捍水令東流物料匠工

糧官爲供給可永保無害工部議若從所議二河並治役大民勞擬先開冶河如正定民夫不敷可於鄰郡順德路差募人夫日給中統鈔一兩五錢如侵碍民田官酬其值從之至明萬曆三十五年夏久雨瀾漫堤復决知府汪國楠身親督築用巨梃穿鑊編荆實以磚石椿稍相聯次堤遂堅固建真武祠於上以鐵羊鎮之至今無患周應中曰滹沱之流合冶河而後大則闢冶河以分殺其勢誠一定之論也知府田濟開新河今新河淤塞故道尙存獨不能决排之以收前功乎至於平沙曠野河水汜濫則築堤尤不可

缺肉使滹沱東注冶河分流堤坊皆固南北無虞無慮河患之不除也又按滹沱河之水雖合冶河始大而衆水之入於滹沱者非獨冶河已也自阜平而來者有縣西五十里之胭脂河縣東之太平河縣南之當城河皆會派河而入滹沱者也自行唐而來者如縣東北之賈庄河由恒山南下會滏水而入滹沱者也自靈壽而來者如縣東北十里之衛水縣南之松陽河皆分派而入滹沱者也自平山而來者縣西北六十里之濊河流經縣治之東南而入滹沱者也其正定之西韓河亦自縣西二十里發源大鳴泉而入

滹沱夫以一水之大衆流會之已不勝其汪洋而浩大矣加以霖雨卒至波濤汹涌平沙百里略無堤岸如之何不爲民患也竊觀冶河之發源自山西平定州松嶺而出又會綿蔓河東北至於平山方與滹沱合則今之治冶河者此其分之始也然諸水無可洩之旁渠而冶河有已開之故道古人分殺滹沱獨於冶河用力而諸水則從略焉職此故也鄙見擬照前代自平山西北河內改修灤水石堤下修龍塘堤東南至水碾村改引河道一里蒲吾橋西改引河道一里上至平山下至甯晉疏其淤澱分其上源入舊

河而東注此關冶河已行之良法也復相地勢滂下之處捲稍築堤防其北潰則冶河自爲一派而無合流之橫矣其漕馬口堤三十餘里所以障滹沱而護城垣者又因舊址而築之完且固焉俾二水由地中行庶幾一勞永逸不然財已竭而用尤多力已疲而工不息民弗堪矣則河也不爲斯邑無窮之患哉此議於元朝修防頗爲詳晰惟所載村名則不可考矣

修白馬斜角二堤碑記

梁清遠

滹沱天下巨浸也去真定城數里水漲則嚙城爲堤

以防之自曹馬口至斜角頭三十里而遙築之於宋天聖間歷代以來時加修治遂足以障城無所嚙比年連遭水患乃以物力匱乏莫爲興復者堤之罅遂不可問矣余官都下時與當事者言咸若罔聞也且有歸之於天而謂不必過計者甲午之歲水大汜濫城幾潰百姓恐恐然慮之邵伯李公蒞茲土與貳守趙公邑令王公巡視不去凡三晝夜邀天之祐水歸于壑城幸無恙公謂二公曰水退矣日前事也能保來年不潦乎亟議修救集紳衿耆老商之或曰欲辦此請築一堤其如役大何公曰是不難遂于秋杪水

盡時親履堤畔度形勢計工程考故實訪輿論銳意以爲己任是年公署井陘兵憲乃以其事上之制臺李公 撫軍董公俱報可明年春王正月 觀察使陳公下車請之陳公首肯乃傳檄各屬派工聚材必擇其長者工必圖其堅者高濶無異曩時罅隙不留蟻穴不兩月而告成時余請假歸里野老詳述謂役不勞民不傷財畿南雄郡無潰敗之虞厥工不幾偉乎清遠曰吾於是而知天下事無不可爲也不可爲者皆事非切於己之事因循玩忽至於民受其患始悔之不早計已無及矣今賢大夫以極艱巨之事

毅然爲之且無累於民非實於民相關切而視國事如家事能如此哉竊嘆大夫之禦大災捍大患其所建立卓然莫及也則吾恒民之所以尸祝大夫者因之俱永而與民關切者民亦傳頌以垂不朽云

橋工紀事序

梁清遠

正定之有滹沱河卽古之惡池也發源於太行諸山山泉霖雨滙而成流洶湧澎湃靡冬靡夏汜濫時濶至數里昔人謂之小黃河蓋言其勢之洪大也郡爲達郊車馬絡繹不絕冬濟以橋橋以藁草動輒易壞費民間工力無算前太守范公易以板築橋有時貯

板有地橋易成而築無費省民間工力亦無算然橋已三十年矣多朽多蝨橋之壞更易無何而復以藁草法不及於前人而輪蹄繁於往日旋築旋圯圯而復築築者病築涉者病涉每值軍機迅亟或使節遙臨阻於橋則束手無策旁皇於河干而吁嗟爾開府大司空王公敬事恤民加意體訪知有范公遺法可循乃捐資興築以其事委之郡丞鄭公鄭公曰我公之敬重國事也如此余非有斯土之責者哉敢不恭命於是乎庀材鳩工廠材孔良弗良弗用也厥工孔堅弗堅弗輟也欄檻皆飾制度鴻濶遠而望之巍巍

乎其崇近而履之坦坦乎其夷且爲置廠屋以貯板
定歲修以永世橋成長虹如畫旅行若雲過者無虛
晷黎庶相慶胥來聚觀皆相嘆美鄭公乃以其事之
始末文檄類而成書俾余爲序余遂書其事以復鄭
公其共事者爲兵憲焦公郡守胡公云

漕馬口堤斜角堤說

趙文瀛

漕馬口一名白馬口沙岡也在縣西北三十五里白
店村滹沱河由此入境河自西來直衝沙岡爲其所
扼沿岡南流至邵同里宅村西南河面愈寬白店村
在岡上半村塌入河中邵同村亦在岡上村外岡盡

村屬西韓地勢平坦至里宅少高中間二里有餘西
南高東北低河水漲流毫無關鎖此漕馬口堤所由
築也堤築於宋天聖元豐年間長五百四十二丈近
年失修堤遂殘缺西韓村外已與地平東南行半里
許始有堤形淺薄卑陋且有缺口七八處與無堤同
咨詢父老自嘉慶六年以後未見修過連年水溢被
災村庄甚多此誠不可緩之工也有謂村民決堤引
滹沱之水以灌稻田堤由是壞則係傳聞之訛西韓
稻田乃韓河之水所澆鄰村周家庄稻田乃周河之
水所澆非引滹沱之水也堤如不修二村正當河衝

稻田淹沒將受滹沱之害矣何能蒙其利乎漕馬口沙岡餘氣起伏斷續至雕邱沙岡復起東南行繚亘於城之北復抱城之西繞城之東乃縣之來脉城之外沙岡也非堤也里宅而下曰胡村曰大孫村皆河東北岸村庄並無堤形至大孫村之東南始有斜角堤堤築於明成化間長一千六百八十六丈名大堤斜角頭村南堤一道過南關至大平庄止長一千三百三十五丈名小堤卽過水堤大堤由柏棠閘起底寬五丈頂寬二丈高丈許有缺口五處皆行車人決開以便來往過斜角頭村堤漸卑薄亦有缺口數處

可通車馬迤南至河岸則堤已中斷與地相平歷年河水衝刷與城西南隅緊對乾隆嘉慶道光咸豐同治年間水浸城垣漂沒田產皆由此而入歷年河與堤遠水過卽爲平沙自同治十年河由大孫村南分爲兩河新河東南行至城西南轉而南流直逼堤根北岸堤工日形塌卸此堤斷處正當河衝水一泛溢出槽則直抵城下不惟田產可慮城亦危險此尤不可緩之工也但碑文志書所載二堤分析不清遂有倒了漕馬口正定沒處走之謠梁末帝貞明四年滹沱大水壞關城宋仁宗天聖七年河決漕馬口旁激

南關壞城西南隅以入廬舍蕩然居民死者甚衆神宗元豐七年河決漕馬口下關門決北濠洩之將軍樂城幸以完金世宗大定八年滹沱犯正定十七年滹沱河溢白馬口卽漕馬口元武宗至大元年滹沱河溢漂沒南關百餘家仁宗延祐七年修滹沱隄坊泰定帝泰定二年詔修滹沱堤堰明成祖永樂四年滹沱決白馬口十年築正定堤英宗正統七年築滹沱堤憲宗成化十四年修漕馬口堤舊志云正定當河之衝西北不兩舍曰漕馬口舊有堤三十餘里以護城垣此訛傳之始也比歲大水堤沒壞逼城西南

隅壞民廬舍南關幾成巨浸知府田濟距舊河數里鑿新河延袤十餘里深逾丈廣三丈築堤二千餘丈以禦舊河之水分其流入新河自是水有所歸新河北又築一堤長四千餘丈環拱南關居民恃以無恐孝宗宏治二年滹沱河決發民築塞相傳水由西南壞城而入由東北壞城而出民居存者僅陽和樓左右數十家而已神宗萬曆三十六年滹沱河溢知府汪國楠築堤於城之西南親身督工用巨槌貫鐵釭編荆實以磚石與椿埽相聯次堤遂堅固熹宗天啟二年滹沱大溢漕馬口堤決增築月堤知縣李挺立

雨中率民夫增築遂無患 國初順治二年滹沱水
溢逼城十一年大水滹沱溢城幾潰三日始退十二
年知府李登雲修築二堤有碑立於斜角頭村白雀
寺前下半埋入土中抉土出之上言重修漕馬口斜
角二堤記則界畫分明矣歷考舊志受河之害多在
城南斜角堤較漕馬口堤關係尤重漕馬口堤距城
三十里堤決則村庄受害於城無妨斜角堤距城僅
數里堤斷則水浸城垣而村庄不待言矣相其緩急
宜先於斜角堤興工

請修斜角迴水二堤稟

敬稟者 卑職 前奉

憲札勘驗滹沱堤工情形會圖粘說詳

報在案茲將丈量勘估工費細數造具清冊恭呈

鈞鑒伏乞

憲台咨部籌款以便興工查正定郡城西北舊有漕馬
口堤郡城西南舊有斜角迴水二堤漕馬口堤距城
甚遠修築尚可緩圖斜角迴水二堤距城甚近現今
河流北徙不可不急加修築以衛城垣斜角堤俗名
大堤以其斜抱西城南城兩角故曰斜角乾隆初年
草填工程全在斜角大堤之外去年自孫村分流之

新河即當年正河之大溜今年十一月十二月滹沱
 兩次長水舊河大溜自柳林舖村北全行掣入新河
 直逼堤根南面殘堤日形塌卸最為頂衝孫村新河
 自西北來轉而南流與大溜會西面堤多殘缺與地
 相平水一出槽直抵城下是為次衝但修堤捲埽工
 費浩繁一時難以並舉今年十月三十日

爵憲中堂至正定閱兵渡河之際

卑職

從本府隨侍蒙

中堂曠觀大勢細閱圖形諭以此次工程驟難舉辦惟
 將近城迴水小堤先行加築或可稍護城垣

卑職

連

日逐段丈量詳加履勘堤外近處不能取土近處取

土則水浸堤根易於衝決堤內近處不能取土近處
 取土則地愈汗下難遏橫流斜角大堤外一片白沙
 無土可取迴水小堤內外土沙相雜鹹鹵性鬆不加
 夯礮雨洒風吹難期經久

卑職

細加估計斜角隄自

柏棠開起至迴水隄止共長八百二十六丈摠計土
 方銀一千一百九十四兩三錢五厘七毫二絲迴水
 隄自斜角隄起至太平庄止原長一千六百八十六
 丈摠計土方銀二千五百四十六兩一錢七分二厘
 五毫四絲迴水堤缺口二段長八十六丈椿木繩索
 礮夫工價銀三百一十二兩八錢築隄鐵礮抬筐鐵

鐵掘拾扛價銀一百九十六兩統共估計需銀五千四百四十一兩五錢六分三厘一毫六絲造具清冊詳細報

聞其迴水隄迤南斜角大隄頂衝次衝處明年體察情形另行稟

請此項工程需款甚鉅連年水患民間捐辦力有不支惟有動撥帑銀方能集事但庫款支絀何敢冒昧竄聞惟查正定府志乾隆八年奏准撥清河道庫銀一萬五千兩發正定所屬行鹽商人按月一分行息以備正定城南滹沱河草埧歲修之用乾隆三十七年正

定前任知縣李紹元請領此款修過斜角堤一次自時厥後此款解交道庫久未興修而成本生息之銀除晉州一處逆匪竄擾鹽店被搶一空成本銀一千二百兩生息銀二千八百二十兩無力完交蒙咨准部覆准其豁免外其餘正定等縣共計成本銀一萬三千八百兩俱在各縣鹽當按一分行息有閏之年息銀一千七百九十四兩無閏之年息銀一千六百五十六兩按年徑解道庫並無虧短報明在案以滹沱生息之款辦滹沱緊要之工似不失當年撥款之初意如此款由道解

部支銷無存可否先由藩庫暫借銀五千四百四十
一兩五錢六分三厘一毫六絲以濟要需卽以此欸
分作四年歸還於庫欸亦不至無著愚昧之見是否
有當伏乞

憲台咨部核奪施行

創修里宅村滹沱河護村新隄記

趙文濂

距縣西北二十五里有村曰里宅村之西北有舊隄
一道上接邵同村山岡曰漕馬口自宋迄明屢加修
築以禦滹沱盛漲 國朝順治乙未補修以後歷久

失修同治辛未壬申積雨連旬河水漲發隄防殘缺
爲患日深九月下旬濂與

慶式如大令從劉崑圖太尊勘驗隄工相度形勢謂
式如曰隄在里宅村西北而河在里宅村之西之南
雖修舊隄西韓等村澹其災里宅一村罹其患且盛
漲爲隄所扼沿隄南流是里宅爲鄰村之壑矣式如
以爲然而以創修新隄未知民情何如也俟再議癸
巳五月式如奉

節相之命修漕馬口隄紳民以實在情形上請式如
諭之曰此吾本意也但舊隄係官地民占可履畝丈

還新隄所占民地也得無滯碍難行乎爾等好為之
果詢謀僉同工不給吾助汝生員趙士秀等將新隄
所占之地均勻撥補復以上請式如又詢之曰漕馬
口隄長六百四十丈寬二丈高六七尺為工甚鉅民
力難支可先築護村隄長二百九十四丈寬二丈高
三尺亦可捍衛盛漲俟後屢年接築便可與漕馬口
隄連而為一矣因稟明崑圍太尊且捐錢一百五十
千以助其工紳民鼓舞歡忻踴躍從事與漕馬口隄
一律告成式如告漕曰明金幼孜修河記云漕馬口
隄長三十里而今無其遺迹果能沿河村庄各築隄

防與里宅新隄相接庶幾三十里遺迹可復而縣西
北永無水患矣則式如曠觀全局軫念民生又豈僅
為里宅一村禦災捍患已哉式如即之金安徽含山
人辛亥舉人辛未七月由曲周調知縣事監工訓導
沈雲龍鹽山人典史張鴻馨江西南豐人亦與有勞
焉得備書

重挑護城河記

趙文濂

按舊志城外池濶十餘丈深可二丈泉發西北大小
五十餘穴綠水環流菱河彌望隄柳掩映鷓鴣迴翔
可以泛舟擅河北勝覽周圍長三千七百二十丈西

韓河舊由柏棠村斜角隄外南流入滹沱乾隆初次水利圖說棄有用之水助滹沱之勢甚爲非計十年奏明挑河一千六百一十四丈由柏棠開轉輸城濠繞城之南至東南均注閘爲東大道河灌稻田六頃有餘不惟城有險可憑民亦獲其利法至美意尤良也歷年旣多失於疏濬西北泉水積沙壅塞久已斷流河底淤墊河岸狹隘水不能容辛未壬申伏秋淫雨連旬河流漫溢浸灌城門東西南三關道路爲水所浸泥淖難行此誠不可緩之工也詳查舊案向係民挑連年水患頻仍民力拮据今年 劉崑圖太尊

會同慶式如大令稟請重修斜角迴水二隄及漕馬口隄工段綿長經費浩大滹沱水患有資防衛惟挑城河難以並舉 譚榛臯摠鎮勲猷赫濯紀律森嚴禁暴戢姦軍民愛戴抵任四載威惠兼施民力旣有難支相與乞 恩麾下摠鎮民艱洞悉日稽水患援手未能一聞紳士稟求卽刻詳明

節相撥步隊一千人督飭軍哨各官逐段疏挑由西關鴨子嘴地方至均注閘以洩城外積水由東關東水門至均注閘以洩城內積水北門東西兩面不與河通工暫從緩長二千二百餘丈岸寬二丈三尺底深

一丈有餘一律深通水有歸宿不至漫溢南門外水浸城垣橋北橋南情形尤爲喫重密釘木椿加厚培高以固隄岸道路坑坎運土填平四月十七日開工五月十七日工畢詳明

節相深蒙嘉獎並勅府縣籌議修守章程毋致日久廢棄而式如先於修隄工內重修柏棠閘並挑舊河故道分入滹沱以資宣洩六月伏汎連逢陰雨河流順軌水患以平夫河以衛城者也城以衛民者也文武各官守此城保此民者也揔鎮不分畛域與府縣共濟和衷以成要工而舒民力爲閭閻禦災捍患卽

爲

國家布化宣猷所以下慰輿情上承

恩眷者豈有涯哉謹述巔末勒之貞砥俾以信今傳後云

重修斜角堤迴水堤及漕馬口堤碑記

趙文濂

滹沱自古爲患修築堤岸歷代興工載於史冊班班可考而堤之所自始不知起於何人雕邱雜錄章衡字子平正定府滹沱河每春瀾漫大爲民患衡爲築堤以障衝突居民利之今堤尙在無人知爲章衡所

築者而衡未載其何官亦不言其何代詳查舊志亦無其人則載記之缺略多也今在城外者曰斜角堤自斜角頭村北起至小陽家莊西止長一千一百三十五丈俗名大堤卽護城堤明宣德六年巡按辛聰之所修萬曆三十六年知府汪國楠之所築也曰迴水堤自小陽家莊起至太平莊止長一千三百八十六丈俗名小隄成化十三年知府田濟之所修也曰新堤在斜角頭村北長五百七十六丈南與斜角堤接北至柏棠閘止乾隆三十三年奏明添築者也曰漕馬口堤在縣西北二十七里自邵同村白馬岡下

起至里宅村止長五百四十二丈此宋天聖熙甯年間之所修也歷年旣多失於修築同治十年十一年大雨連旬滹沱漫溢浸及城垣沿河村莊咸罹水患節相李關心民瘼派候補崔令沿河稽查行文府縣察勘舊堤所在稟請興修適廉以事出城路過斜角頭村曠觀形勢堤雖殘缺遺址猶存並於白雀寺前訪得舊碑下半埋入土中抉土出之係順治十二年知府李登雲修斜角堤及漕馬口碑記以時考之一百一十八年堤之失修久矣回明 劉崑圖太尊慶式如大令次日會同查工斜角堤自柏棠閘起至迴

水堤止計長八百八十六丈堤身日久被水冲坍低陷又大小缺口十七段並有積水低窪之處迴水堤自斜角堤相連處起至太平莊止計長一千六百八十五丈堤身均已冲坍低陷又大小缺口九段並積水窪坑三處漕馬口堤自白馬岡邵同村起至里宅村止計長六百丈日久冲刷幾與地平又大小坑窪十四處繪圖貼說估計工料詳請發帑興修奉節相批准飭 清河道憲撥發庫存滹沱草壩生息銀六千三百七十兩加以商農捐助制錢五千餘串於十二年二月二十五日開工分派委員紳士逐段

監修 崑圖太尊式如大令不時親往查勘斜角堤高九尺頂寬二丈底寬五丈迴水堤高七尺頂寬二丈底寬四丈五尺漕馬口堤高六尺餘頂寬二丈餘底寬四丈餘均係層土層礮力求堅實其低窪處概用椿木柳杆排插廂築穩固迴水堤有老龍坑一處繞修月堤六十餘丈一律堅實至六月三十日三堤工畢伏秋陰雨河流漲溢有堤捍衛卒保無虞另繪新堤圖說並開工料細數核實報銷至柏棠河自斜角堤外南入滹沱原長一千五百二十丈自乾隆十年築柏棠閘引水入護城河舊河淤墊與地相平閘

座亦多殘缺式如大令重修石閘南北金剛牆二堵
八字牆四堵金門寬一丈二尺深一丈八尺並開挖
舊河面寬一丈底寬五尺分入滹沱以資宣洩又添
建南門堤外石橋疏消積水以便往來又皆餘力之
所及者也蓋自順治十二年後二百餘年始有此舉
禦災捍患罔府縣之成勞實

節相澹災之遠慮也滹沱生息銀兩並捐輸錢文尙
不敷用 太尊與大令復捐廉倡助以完其功所有
捐錢數目並用過工料細數詳列碑陰以垂久遠庶
後之興工者有所憑藉監工委員紳士亦與有勞焉

得備書

重修東門石橋碑記

王世耀

王制記輿梁之成周易有習坎之戒故啟閭連郭跨
塹通津凡以成形勢便往來雖暫圯而不可不復者
也吾鄉東門河環如帶石橋歲久日漸傾歆繼以支
木爲之秋成時粟秭輦運及過客輪轂所經恒惴惴
焉患傾覆曩作疏告鄉里期協力興修資未集而余
爲次子迎赴厯下未親斯役竊慮弗果歲己未字輩
如叔祖以書來索碑記則高君文庵曹君興邦白君
節庵謁府與邑侯錢公合郡東村邑之力力終斯役

而役已成可勝愉快哉橋因昔規整石完整且復浚
 河得泉清洌可濯舊有屋數楹值橋之東入城者繚
 而北復循河而南蓋形家之所作也諸君將卽其址
 而重建之河中植蓮河上種柳以復舊有觀書中所
 述者如此夫陂者平之險者夷之存利濟之心而復
 規模之舊日以餘力點綴風景使郡人歲時游憩有
 舞雩沂水之恩其可謂善舉也矣過此以往凡有利
 於吾邑者皆可次第舉行衆慶畢興則此橋實爲之
 倡爾是爲記

晚渡滹沱贈魏大

唐 盧照隣

津谷朝行遠冰川夕望曛霞明深淺浪風卷去來雲
 澄波泛月影激浪聚沙文誰忍仙舟上携手獨思君

渡滹沱河

胡曾

光武經營業未興王郎兵革暫憑陵須知後漢功臣
 力不及滹沱一片冰

臨滹沱見蕃使列名

李益

漠南春色到滹沱邊柳青青塞馬多萬里江山今不
 閉漢家頻許郅支和

渡滹沱河

宋 文天祥

過了長江與大河橫流數仞絕滹沱蕭王舊事今何

正定縣志 卷五
在回首中天感慨多

渡滹沱二首

元 劉 因

進臨滹沱岸回望土門關秋色巉巖上川形拱抱間
分疆人自隘設險地誰慳欲問前朝渡江鷗故意間
河水正流萬無舟可濟時詭言水已合隨使渡無危
自是繇天助真非假力爲昭昭明史冊千載慰人思

滹沱流漸行

王 惲

王郎何人著柘黃欲與赤伏爭翔翔漢炎中斷天復
一蹶肘後頑石胡爲光蕭王揮戈指幽薊戰血滿野風
塵蒼莽兵反得市人噓當時南馳亦倉皇焉鞬城東

滹水長北風烈烈天雨霜前驅後騎兩失色河雖流
漸無可航兔肩麥飯未下咽大冰橫台堅於梁古稱
王者阨不死淮陵一言殆天使赤龍已渡凌四關白
魚躍舟未踰此壇亭王氣如水清妖彗邯鄲死灰耳
彼蒼有意開眞主固令若輩先驅處君看隴蜀最健
者一旦等蛙終漢虜王郎區區安足數蒼茫此日龍
華渡漠漠野烟生綠樹留在長河閱世人萬古朝宗
浩東驚

渡滹沱

明 王 英

長河二月半雪霽斷冰開但覺波濤至猶疑風雨來

正定縣志 卷五 三
飄搖野艇渡蕩漾白鷗回望極平沙際春光滿綠苔

過滹沱

石玠

千年形勝此滹河道路驅馳自昔多短岸幾人看日
暮中流有客動漁歌水堅尙憶蕭王渡坂古曾聞太
守過此日太平無夜警村村漁火映閒蓑

過滹沱

金幼孜

前驅聞警蹕傳道近滹沱凍合含初日風微動碧波
人從仙掌出路自畫橋過北望幽燕外青山疊疊多

滹沱河上

何景明

長隄枕春郭斷岸入殘暉宿鳥張燈起驚鳧解纜飛

古人堪墮淚吾道豈常非
識臨河意中流擊柝歸

滹沱阻渡登天甯閣十二韻

劉詒

山雨秋添漲舟風午怯河急流知勇退幽寺愧重過
薄暮登危閣憑闌發浩歌滹光橫素練岳色俯青螺
猶有輕舸渡其如巨浪何蒹葭人出沒岸渚樹婆娑
獨鶴歸棲晚羣僧入定多樓昏鐘乳石香散鼓鳴鼉
逸興詩還壯衰顏酒借醅慧燈仍仰佛客睡不須魔
倚枕聽宵柝驅車振曉珂天應鑒遊子津處淨無波

修滹沱河有感

尹耕

高築長隄深濬河黃埃赤日奈如何休將汗滴滹沱

水滴入滹沱水更多

渡滹沱阻雨

何海晏

昨夜卧龍奮河滸坐見滹沱漲山雨崑崙忽決倒滄
溟白帝江陵安足數我欲用之拂狂濤坤軸無定怒
雷號况復經旬不見日頓令庭砌長蓬蒿年來愁賦
行路難等閒平地還波瀾羽書不至天涯暮烟林風
起葦聲寒

渡滹沱河暮過平山謾述

樊獻科

塵徑紆林麓河濤蕩鷁舟遠峯斜日杳近郭晚霞收
祠柏烏爭集垣花月並幽悠然萍梗意終愧赤松遊

渡滹沱

國朝 陳廷敬

晨興越大河霜氣壓清波秋日石梁外人家漁浦多
遠鷗浮水去高葉趁風過來往恒山道征車奈晚何

渡滹沱

梁清標

沙路垂鞭客興殷故園鳥語隔隄聞人歸趙苑顏初
定馬渡滹沱樹乍分親舊下車詢過嶺書生短後學
從軍盈盈一水渾如此北望晴開大茂雲

渡滹沱河

沈 荃

滹沱秋水莽滔滔落日輕裝上小舸東下津門千里
闊西來嶽色亂峯高蕪萋古渡迷寒雁麥飯荒亭沒

野蒿誰向中流歌擊楫西風客思正蕭騷

滹沱晚渡二首

彭三益

荻叢葦路莽難分崩岸驚濤客駭聞浪裏千帆惟看影灘邊一鴈自呼羣黃塵古渡迷沙渚白日橫空入暮雲借問蕪葦亭何處不堪荒戍閉斜曛

煙樹蒼茫拂壯遊水邊沙積盡浮鷗幾回野渡連雲暗展轉層波帶雨流隔岸呼水懷舊跡隨風吹麥供乾餽夕陽悵望緣何事見說當年白帝秋

恭和

禦製閱滹沱河隄工元韻

方觀承

今年滹水發其勢亦及城水退沙突高顧乃與岸平近水二村落秉耜來爭耕畊處昔洪濤

翠輦遠曾經崇榘

示宣立指顧成定甯津吏相告處河伯效其誠湍流漸南徙萬戶同欣生仰唯

天子聖惟

聖又多能紛紛五壩列亦竭螳臂曾拜手頌

訐謨

重臨紀績成臣職司川涂淪導少所更永定侍提命慮水與隄爭

禹貢無隄字水由地中行

二句即御製閱永定河詩

睿製垂千古要順就下情畿封六百里會滄恬清聲

滹沱至衡

水縣與滄水合

渡滹沱

滹沱來不極曉色蕩孤城擊楫中流過舉帷下吏情

天銜紆岸轉日上大波行獨在知津後風塵愧

秋晚過滹沱河

祁雋藻

策馬走滹沱橫橋水不波山川并塞近烟樹趙陵多

野店依沙草遙村出笠蓑蕪蕪亭畔路麥飯幾經過

滹沱河

孫述祖

陣雲慘淡覆滹沱白水真人此渡河野片縈紆人迹

少黃沙蹀躞馬聲多蕪蕪村古空餘壘麥飯亭殘止

放歌莫說從前戰爭事太平 盛世少風波

秋晚過滹沱河

趙文濂

水未合滹沱方舟利涉過荒烟沈大野明月湧滄波

破浪乘風穩提封扼險多巨川誰共濟擊楫意如何

春初過滹沱河

一水亘迢迢滹沱吼怒潮冰開迴急溜浪湧撼危橋

莽莽平沙澗漫漫去路遙春城如畫裏雉堞大旗飄

久雨滹沱河溢

匝月陰無一日晴小樓不斷雨聲聲千峯雷自山頭
送萬斛泉從屋上鳴水積空庭簷溜急波添涸渚夜
潮平傳聞又報滹沱溢泚泚洪流直到城

水漲行

走相告者不停趾滹沱水漲十餘里瀾迴岸角隄柳
侵石觸橋頭浪花起連宵霖雨助滂沱鯨跋濤頭尺
有咫洪流浩浩灌城濠巨浸茫茫沒城址南門扼險
最當衝深溝何以固高壘重關疊隘挽狂瀾運土填
門勢難止產蛙沈竈釜游魚三板之危今苦此我聞
此語陡然驚冒險登城極目視支流斜注溢溝渠正

溜橫衝浸關市通津驛路馬難行近水人家墻欲圯
村墟錯落逐浪浮禾黍高低從風靡澹災無術挽沈
淪致禍有由詢原委皆云防河有長堤鐵壁銅墻河
之浹安瀾有慶已多年殘缺遂無人經理舊址雖存
與地平懷山襄陵禍未弭若非修築舊堤坊濁浪滔
天難嚮邇我聞滹沱水最狂爲患閭閻自古始方今
上憲意勤民決淪疏排以佚使河流順軌地中行溝
澮之盈可立俟沿河水患若頻仍亡羊補牢何能已

滹沱觀漲

張雲錦

兩岸洪濤喧半夜鐵騎奔騰從空下朝來失色看滹

沱泃湧不見魚鱗壩魚鱗壩築水安流壩殘何能禦
濤頭模糊壩外田萬畝化爲濁浪拍城樓城樓泛泛
隨枯梗浪花高壓女墻影軍聲城下亂鸛鵝舟子樹
杪棲舴艋舴艋一葉還爲家隨波流去漂天涯號呼
求救茫無岸呼吸性命飼魚鰕傷心慘日肝胆裂河
伯餘怒誰爲洩斬蛟息浪平生志恨無孝侯三尺鐵
對此茫茫百感生秋雨害稼方呼庚那堪呼庚又呼
癸芎藭麥麩哀鴻鳴安得雨暘無偏倚四海安瀾波
不起此事無難在變理嗚呼私願何時已

滹沱把釣

容丕華

往來冠蓋共爭津寂寞漁翁釣水濱直到中流風浪
起方知岸上是仙人

滹沱晚渡

王鍾岳

雨霽新涼候飄然棹晚霞水平虛靄白樹隱斷烟斜
進粥人何在投鞭事漫誇泠泠明月上翹首是京華
最愛城南渡蒼茫對落暉時驚殘葉下烟帶遠村微
白浪橫雙漿青山繞四圍可憐形勝地風物日全非

晚渡滹沱

梁瑞霖

滹沱秋水勢平堤小艇浮來岸路迷殘照晚風憐瘦
馬一鞭行過畫橋西

秋晚渡河

一鞭曉色渡滹沱芳草茸茸漫碧波却憶去年沽口
路鰈魚正美釣船多

韓溪夜泛

梁清遠

六月荷花紅始嬌西溪一棹水迢迢
依人好鳥鳴高樹隔岸殘霞囂
石橋綠柳陰中聊煮茗碧蘆深處漫
吹簫閒看野景真如畫小瑗村醪不用招

韓河

清溪一帶映寒峯此處曾聞豕作龍
日暮泛舟溪水漲依稀時聽戍樓鐘

韓河泛月

芙蓉池畔月初生鼓棹如同鏡裏行
把酒對花興自適吹簫臨水韻偏清
漁村老樹溪邊卧佛舍孤燈林外明
直過石橋遊未已烟霞深處卽蓬瀛

韓溪泛舟同象曼萬倩三兒仲孫小曾孫

芙蓉灼灼滿汀洲彌望澄波曲曲幽
一艇遨遊白日靜幾人吟詠碧雲秋
振衣高阜消餘暑俯首危橋渡急流
七月正當旣望後何如赤壁泛扁舟

韓溪遠眺

啟戶春風吹畫船紅橋南望盡潺湲
蕪亭歷亂生芳

草蒼蠟凄清斷暮烟野客渡河雲滿棹山奚築堰水
平田白頭授簡聊成詠俯仰晴雲藹藹天

韓河

梁清標

漠漠溪田接遠峯韓河雲黑鎖蛟龍水村烟雨無朝
夕十里黃昏聽暮鐘

冶河

梁清寬

冶河蘆岸打魚船醉酒烹鮮煮野泉莫道山翁無樂
事鳥聲巧囀蓼花天

梁清遠

野市殘陽照畫船萬株榆柳繞寒泉廿年猶憶經行

處頽岸紆迴入綠天

梁清遠

風波滿地一漁船何必嚴陵勝冶泉策杖板橋楓葉
路弄簫鳧渚晚涼天

城河

梁清遠

城闌菰草細如髮渺渺長隄帶碧嵐晴日扁舟行十
里蘋香水暖小江南

梁清標

清風繞堞碧鬢鬢兩岸蒹葭映遠嵐猶憶月明秋放
舸洞簫吹過畫橋南

芙蓉照水影鬢鬢十里橫橋帶遠嵐秋淨漁舟紅蓼
岸鮮鱗紫鱗小江南

梁清寬

趙文濂

屢爲城門灌城河逐段挑清流深見底細路小修橋
岸濶新堤東湖平積潦消地中行有象不畏雨連宵
滋河故道

浩浩莽黃沙山涯接水涯日光明石骨雪汁涸冰花
平壤龍鱗接枯渠燕尾斜迷漫遙望處十里少人家

甘露井記

梁慈

余每過此地見道旁渠水中冷然一泓明潔澄澈異
諸積潦僕夫爭掬飲之余問之則曰此一泉也此泉
水極涼極甜嚴冬不凍巨浸不沒儂輩熱渴時咸利
賴也余取嘗之誠然因思此地去鄰村遠皆三四里
夏秋間農夫之耕者鋤者芟載者行人之擔負推挽
者於此一勺入口夫何異甘露醍醐也即可無表章
以垂普濟坐令日久湮塞乎遂蠲地爲月河以通溝
渠下以木槃鑿以堅磚覆以鑿口識以石碣及柏桶
鐵繩瓦碗之類俾可以經久而免爲無知者取去也
因而嘆曰桑田滄海變遷靡常何況此一泓水一片

石哉余此修識亦不過了吾一時之意而已一笑書之

梁函三招飲不蕪園路經甘露井戲成口號

邢元吉

路鑿甘泉迥出塵彎環月抱湛然新試將一勺能消暑從此應無病渴人

梁守園十五兄招飲不蕪園同蕉林過旁甘露

井

沈 荃

鑿開一眼見青天月抱原泉蓋有年爲愛仁人能利普道旁甘露共流傳

由魏昌赴府使道過梁大金吾別墅見道旁甘

露井

郭 棻

曾記當年鑿井者經營不是利名心道旁自此垂甘露普濟流香抵萬金

因公赴趙莊鎮過梁大金吾公別墅見道旁甘

露井及碑記書法嚴整絕似平原勉句效顰

李指南

甘泉遺愛世流傳祖創孫謀義見天別業純風還太古淵淵月抱萬斯年

因公過甘露井讀其碑記感而賦此

廖培芳

甘露爭傳古道旁因泉觸地義流芳
功成一點垂青史事去千年留故鄉
遺愛猥言沽市美純風不減布
金香桑田滄海無常恨別墅仁人利澤長

恒陽第一泉歌

明李挺

鳴泉十里噴寒玉奔流瀉瀑含芒宿東門之水清且
漪漑田千頃甦阻饑更喜茲泉最晚出潺潺靈液飛
天陲交屢古道層城側萬井參差分帝力味甘若醴
芬若蘭觸邪蕩疴好容色不用陸羽問評隲我故名
之爲第一漱波濺沫如鳴球涼風激和聲颼颼霖亭

石砌汲丹綆坐令五月如清秋我聞老氏上善惟若
水仲尼有本是取耳大美利物渾不言功與天地相
終始其清測底性安下譬如賢士處卑者涓涓習坎
不羸進皓月冰壺自傾瀉潤能萬里成江河不受濁
引泔泔波伯牙撫茲足寫意鍾期未遇將如何試問
道途徵逐子衝途來往旁睨視請君下馬飲此泉塵
埃垢膩勤疏理

題第一泉

許其孝

甘泉穴地通品第重明公漲隴添新綠含星帶曉紅
豈緣江作派翻覺海無功鄴令今應在應歌中

賦恒陽第一泉

陳鴻恩

憶昔南游到浮玉江中之水山上出是名天下第一
泉使我至今懷用汲恒山之陽地衍平平地噴涌來
清芬炎天五月行人止濁腸枯胃生其神城下有田
萬餘頃源發流開大能賑四種五穫管子言斯民歲
歲歌豐稔我聞天地之大德曰生李公爲政政有聲
賞音不獨聽流水勝槩標題第一名由來好物無貴
賤全在至人據賞鑑千古太行一顧之鹽車萬里生
羽翰天池淵天塹寬獨喜仇池別有天香水績涼風
澹澹翠縷浮夜月涓涓甘幽自足消煩渴明潤尤宜

動春色王明並福定何如寒泉不食能無惻泌之洋
洋可樂饑看君泉水更相宜三島十洲無恙在我今
魂夢應思之

題大鳴泉

明嚴起恒

黃沙滿北地幽境近吾扉澤古龍爲舍烟深柳作幃
瀆光浮雪意沸響隱雷威最愛涓涓處能令玉粒肥

題大鳴泉

陳某

路過雕橋瞰碧岑靈泉湧出覺源深雨餘滾滾浮花
遠天霽溶溶帶月沈環抱恒陽拖素練區分滹水勝
甘霖一方共喜恩波潤還有沾濡四海心

詠大鳴泉

李 旌

大鳴泉發源數十穴如貫珠然疏派成渠溉
田百餘頃信東垣美利也丙寅春因舊迹濬
之喜而賦此

異源通地軸靈派引天潢十里寒光滿千盤素練長
潺湲傾乳穴噴薄泛迴塘深室酣蛟卧澄漪狎鷺翔
沫飛雲片濕響逗雨聲玉漱玉惟分部鳴絃且綴行
月同中夜淨暑可一衫涼疏鑿窮幽徑奔趨驀遠疆
成渠卑鄭白映浦儼瀟湘萬井分甘醴三農足稻梁
淳涵宵露白布護晚雲黃袂褱時遵澳招携好泛觴

愧無膏澤沐刺澣袂衿香掬飲懷夷潔行歌任黠狂

大鳴泉

梁清遠

沙岸無人迹西林有飛泉湛若清瑤流十畝聲潺湲
垂楊影蕭槭春暉媚漪漣曲徑藏雲壑驚湍流谿田
風吹魚鱗起水落石澄鮮波濤春潤雨霧鬱樛林烟
人家樂耘耔斜引入溪塹潤澤及窮黎禾黍日芊芊
萬室散愁疾一瞳大有年千秋功德水疏鑿慎無愆

雪中訪大鳴泉

趙文濂

聞說鳴泉好尋源未得來偶乘風雪裏特訪水雲隈
細碎冰花結圓靈寶鑑開春膏融霰霏藝稻荷滋培

柳泉

在城東北隅
雙柳樹下

趙文濂

港汊紛歧處方塘半畝泉一泓澄月朗雙柳照陰圓
潦已寒潭盡花猶暮雨然稻孫尤耐冷蒼翠晚涼天
城西北隅新泉

城河濛濛繞浪涓涓聞說城隅舊有泉沙壅溪濱源已
竭脉行地下穴能穿新渠曲曲通蘋渚急溜溶溶浸
稻田西北分流東道出彎環瀉入舊濠邊

正定城北旺泉記

恩述事十二韵

方觀成

旂蓋轉風輕秋高

蹕更清一泓依路爭九日愛花晴亭外新泉水恒陽古

郡城臺高猶隱樹菊晚漸舒英拾級層層豔凭流朶

朶明

翠臨天遠霽黃蘗野周盈草木光

宸詠山河愜

聖情南移滹不溢西望嶽如迎恒山地劃遼鄰界關連宋

故京慈雲常覆塔法雨正飛薨傑閣今仍麗龍興寺
采時重

建康熙年間
改爲隆興寺

離宮舊所營

在隆興
寺東

真香彌梵嶺

正定距五
臺山爲近

令節集仙

瀛許聽鈞天奏頻宣外吏名題糕分玉琢調醑飲金

烹更

賜萸雙佩同叨秩上卿秩一品者維南歡獻
壽嵩麓效先聲

修堤紀事

趙文濂

爲禦滹沱漲連修大小堤驚濤挾風雨遠道控虹霓
閘束重門溢潮平兩岸低常山蛇勢好直亘郡城西
三載霪霖積殘隄久未修濤翻連地陷浪湧逼城流
倒灌驚奇險懷襄切隱憂河防工未就借筋正前籌
草壩瀾迴猛花潭水帶渾征途無意過故址有形存
斷岸循河側殘碑訪寺門府中趨謁處工段好同論
逐段工程勘基將與地平兩河分急溜一角抱孤城

熬極從中斷鯨波任橫行狂瀾誰砥柱拯溺有同情
立說惟期是鳩工不厭詳沈城憂水患興役慮年荒
庫欵籌經費民工計土方事需全局顧建議務從長
補救情無拂先勞勢可乘分催言懇懇合作築登登
橋訝雙虹亘墻疑百堵興子來羣力效鼙鼓弗能勝
迪績踰三月疎防近百年功成非掘地災澹可迴天
沙壅支流塞瀾安正溜遷河身南徙處滄海已桑田
蟻潰須防穴羊亡務補牢但期資鞏固何敢憚勤勞
考績成功退持籌大局操城頭遙望處熬背入雲高

西郭堤上

梁清寬

大隄楊柳暗生馨澗草琪花滿野汀獵騎珣弓羣射
鴨游僧籐笠自擔經五臺北望千峯紫陸澤南臨萬
象青猶記藕池三月雨畫船觴宴水泠泠

正定縣志卷六

營田水利

滹沱水渾濁易淤又無隄岸東水在平山有澆灌之
利在正定有泛濫之憂宋程昉引水淤田所以無成
功也城西北東北諸泉明代引之以興水利

國朝因而廣之爲利益溥矣但北方地苦曠乾泉易枯
竭隨時疏濬亦在經理之得人耳

雍正五年縣治西北雕橋村王古寺並城河四面順城
關等處營田共十一頃八十五畝一分農民自營稻
田共一頃六十畝

一統志西韓河在府城西二十里源發大鳴泉通志西韓河韓信伐趙經此故名大鳴泉在正定縣西北三十里卽韓河上源也有泉數十穴大者如車輪溉田百餘頃少東有小鳴泉又有雕橋泉在縣西二十里源出大鳴泉凡四十五穴明宣德初知縣李守義引水溉田後淤塞萬歷四年知縣周應中復濬又開三陽河俱由丁家橋斜角頭李家莊入河溉田甚廣雍正五年入京南局

舊報水田八頃三十八畝

咸豐五年知縣錢萬青新查水田二十頃二十九畝

九分七厘泉旺卽爲稻田泉弱卽爲旱田畝數不能一定

雍正六年城西東西北三面併在城東西南三關廂等處營田共三頃七十二畝七分

護城河乾隆十年挑有河漕雍正五六年隨京南局營田六頃九十一畝五分自後水多不給歲以爲憂乾隆初次水利案內引西北韓河等水由柏棠閘環注隨於北門迤西至西北譙樓挑挖寬深益資灌注城西北方泉爲積沙所塞泉脈斷流田皆改旱

雍正七年縣治東北西洋村大林濟村等處營田共一

十五頃五十九畝

縣東北隅有旺泉今已淤失而其下溝道尚傳旺泉之名今據知縣嚴裕銓尋訪挖掘已得泉眼數處水流頗盛乾隆十年自泉源挑由固營等村會東大道河並注於只照河入滹今東南一帶清流回環尤爲另開生面泉上有亭如泉名一曰導醴

泉上之亭傾圮無存泉脉微細灌田無多歲旱地卽改旱無一定畝數



7000626

